



Broj: 07/I-11-6716-7/23
Dana: 10.10.2023. godine

Na osnovu člana 22. Zakona o unutrašnjim poslovima (Službene novine BPK-a 6/15), člana 70. stav (1) i (4) Zakona o javnim nabavkama («Službeni glasnik BiH», broj 39/14 i 59/22), a u skladu sa Zapisnikom o pregledu i ocjeni ponuda Komisije za javne nabavke broj: 07/I-11-6716-6/23 od 05.10.2023.godine, policijski komesar Uprave policije Ministarstva za unutrašnje poslove BPK-a Goražde, donosi:

O D L U K U

o poništenju postupka javne nabavke terenskog motornog vozila obilježenog u policijske boje sa svjetlosno-zvučnom krovnom rotacijom

I

Ovom odlukom poništava se postupak javne nabavke terenskog motornog vozila obilježenog u policijske boje sa svjetlosno-zvučnom krovnom rotacijom broj: 07/I-11-6716-4/23 od dana 18.09.2023.godine.

II

Postupak javne nabavke se poništava iz razloga što u zakonskom roku za dostavljanje ponuda niti jedna od primljenih ponuda nije prihvatljiva.

III

Ova odluka objavit će se na web stranici Vlade Bosansko-podrinjskog kantona Goražde www.bpkg.gov.ba/.

IV

Ova Odluka stupa na snagu danom donošenja.

Obrazloženje

Uprava policije Ministarstva za unutrašnje poslove Bosansko-podrinjskog kantona Goražde, provela je postupak javne nabavke terenskog motornog vozila obilježenog u policijske boje sa svjetlosno-zvučnom krovnom rotacijom broj: 07/I-11-6716-4/23 od dana 18.09.2023. godine, objavljen na portalu Javnih nabavki broj:1430-7-1-42-3-11/23 od 18.09.2023.godine i u „Službenom glasniku BiH“ broj: 65/23 od 22.09.2023.godine, a u skladu sa Odlukom o pokretanju postupka javne nabavke broj: 07/I-11-6716/23 od dana 18.09.2023. godine.

Predmetni postupak je sproveden putem konkurentskog zahtjeva za dostavljenje ponuda uz primjenu kriterija najniža cijena.

Procijenjena vrijednost predmetne nabavke je 40.170,00 KM bez PDV-a.

Komisija za provođenje postupka javne nabavke imenovana je Rješenjem broj: 07/I-11-7187/23 od 05.09.2023.godine.

Otvaranje ponuda izvršeno je 03.10.2023.godine, što je konstatovano u Zapisniku o otvaranju ponuda od 03.10.2023.godine, gdje je utvrđeno da je za navedni postupak javne nabavke blagovremeno pristigla jedna ponuda od ponuđača „Berlijeta „d.o.o., Visoko.

Dana 05.10.2023. godine Komisija je pristupila pregledu i ocjeni pristigle ponude, gdje je Zapisnikom o pregledu i ocjeni ponude broj: 07/I-11-6716-6/23 od dana 05.10.2023.godine, konstatovano da je ponuda ponuđača „Berlijeta“ d.o.o., Visoko, nepravilna iz sljedećih razloga :

- nedostaje Obavještenje o nabavci (Aneks I)

- iz printane verzije kataloga sa tehničkom specifikacijom za ponuđeno vozilo koja je dostavljena od strane gore navedenog ponuđača ustanovljeno je da ista odstupa od tehničkih specifikacija treženih Tenderskom dokumentacijom (udaljnjem tekstu: TD) (opisano na strani 4. i 5. tačka B) 4. TD) u sljedećim karakteristikama i to:

- nije naznačeno da je predmetno motorno vozilo sa pogonom 4x4, kao što je traženo TD,

- nije naznačeno da je godina proizvodnje vozila 2023. godina, kao što je traženo TD,

- traženi klirens u TD minimalno 185 mm, dok je u dostavljenoj tehničkoj specifikaciji ponuđača naznačeno da isti iznosi 175 mm,

- nije naznačeno da li je mjenjač manuelni kako je traženo u TD,

- tražena zapremina prtljažnika u TD je minimalno 375L, dok je u ponudi naznačeno 362L.

Iz naprijed navedenog proizilazi da je ponuda ponuđača „Berlijeta“ d.o.o., Visoko nepravilna iz razloga što ista nije u skladu sa tenderskom dokumentacijom odnosno traženim tehničkim specifikacijama predmeta javne nabavke.

Na osnovu gore navedenog, a shodno preporuci komisije za javne nabavke, u skladu sa članom 69. stav (2) tačka d) Zakona o javnim nabavkama, odlučeno je kao u dispozitivu ove odluke.

POUKA O PRAVNOM LIJEKU:

Protiv ove odluke može se izjaviti žalba Uredu za razmatranje žalbi, putem Uprave policije Ministarstva za unutrašnje poslove BPK Goražde, u roku od 5 (pet) dana od dana prijema Odluke.



DOSTAVLJENO:

1. "Berlijeta " d.o.o. Visoko
2. Odsijek za podršku MUP-a BPK-a Goražde
3. Ured komesara policije
4. Komisiji za javne nabavke
5. a/a